

Advokatska – odvjetnička komora Federacije Bosne i Hercegovine
REGIONALNA ADVOKATSKA – ODVJETNIČKA KOMORA
SARAJEVO

PRAVILNIK
(prečišćeni tekst)
o Fondu solidarnosti advokata, advokatskih pripravnika,
advokatskih stručnih saradnika i zaposlenika
Regionalne advokatske – odvjetničke komore

SARAJEVO

Sarajevo, 18.06.2011 godine.

*Na temelju člana 15. Zakona o advokaturi Federacije Bosne i Hercegovine
(„ Službene novine F BiH „, broj 42/02) te člana 6. tačka 5. i člana 12. tačka 7.*

Statuta Regionalne advokatske – odvjetničke Komore Sarajevo a na osnovu zaključaka Skupštine Regionalne advokatske – odvjetničke komore Sarajevo održane dana 3.09.2004 godine, Upravni odbor Regionalne advokatske – odvjetničke komore na svojoj sjednici održanoj u Sarajevu 13.12.2004 godine donosi:

PRAVILNIK
o Fondu solidarnosti advokata, advokatskih pripravnika,
advokatskih stručnih saradnika i zaposlenika Regionalne advokatske –
odvjetničke komore Sarajevo

I OPĆE ODREDBE

Član 1.

U cilju pomoći advokatima, advokatskim pripravnicima, advokatskim stručnim saradnicima i radnicima zaposlenim u Regionalnoj advokatskoj – odvjetničkoj komori Sarajevo (u daljem tekstu RAKS) na temelju uzajamnosti i solidarnosti ovim Pravilnikom uređuju se način i uvjeti osnivanja Fonda solidarnosti advokata, advokatskih pripravnika, advokatskih stručnih saradnika i osoba uposlenih u RAKS (u daljem tekstu Fond), visina obaveznog članskog doprinosa, način pribavljanja i upotrebe prikupljenih novčanih sredstava Fonda, postupak za ostvarivanje prava na korištenje sredstava Fonda od strane njegovih članova.

Ovim Pravilnikom propisuju se kriterijumi i uvjeti koje članovi moraju ispuniti da bi imali pravo na korištenje sredstava Fonda, ovlaštenja za dodjeljivanje pomoći kao i druga pitanja koja se odnose na rad Fonda

Član 2.

1 .Fond solidarnosti je Fond za posebne namjene, čija se sredstva koriste za pružanje pomoći advokatima, advokatskim pripravnicima, advokatskim stručnim saradnicima i zaposlenim u RAKS- a i to u slučaju bolesti ili u slučaju smrti advokata starijih od 70 godina, koji nisu osigurani po kolektivnom osiguranju, ali se ne odnosi na bolest koja je posljedica povrede na radu (jer je takva bolest već „pokrivena „ kolektivnim osiguranjem).

2. Ukoliko isplaćeni iznos je manji po osnovu kolektivnog osiguranja član Fonda ima pravo na naknadu razlike u smislu člana 24. Pravilnika.

Član 3.

Svi advokati, advokatski pripravnici, advokatski stručni saradnici i zaposleni u RAKS imaju jednaka prava u pogledu raspolaganja i korištenja sredstava Fonda pod uvjetima

utvrđenim ovim Pravilnikom.

II ČLANSTVO U FONDU

Član 4.

Članstvo u Fondu solidarnosti je obavezno.

Član 5.

Svojstvo člana Fonda solidarnosti advokat stiče danom upisa u Imenik advokata, danom upisa u Imenik advokatskih pripravnika a advokatski stručni saradnik danom upisa u Imenik stručni saradnika, koji se vode kod Advokatske – odvjetničke komore Federacije Bosne i Hercegovine. Zaposlenici stiču svojstvo Fonda sa danom zaključenja ugovora o radu na neodređeno vrijeme sa Regionalnom advokatskom – odvjetničkom komorom Sarajevo

Član 6.

Članstvo u Fondu solidarnosti, članovima prestaje u sljedećim slučajevima;

- 1. ukoliko advokatu, advokatskom pripravniku ili advokatskom stručnom saradniku, prestane svojstvo advokata, advokatskog pripravnika, odnosno svojstvo advokatskog stručnog saradnika. Zaposlenom radniku članstvo u Fondu prestaje prestankom radnog odnosa u RAKS,*
- 2. usljed smrti člana Fonda solidarnosti,*
- 3. usljed prestanka rada Fonda.*

Član 7.

Advokatu prestaje članstvo u Fondu prestankom članstva u RAKS na dan kada je advokat prestao sa radom ili izmjestio sjedište svoje advokatske kancelarije van područja RAKS,

Advokatskom pripravniku prestaje članstvo u Fondu ako je izgubio svojstvo advokatskog pripravnika ili ako je prestao sa radom kod principala čije je sjedište na području RAKS.

Advokatskom stručnom saradniku prestaje članstvo u Fondu ako je izgubio svojstvo stručnog saradnika ili ako je prestao sa radom u advokatskoj kancelariji čije je sjedište na području RAKS.

Zaposlenim radnicima prestaje svojstvo člana Fonda prestankom radnog odnosa u RAKS.

Član 8.

Članstvo u Fondu prestaje smrću člana Fonda – danom kada je smrt nastupila.

Član 9.

- 1. Odluku o prestanka rada Fonda donosi Skupština Regionalne advokatske – odvjetničke komore Sarajevo.*
- 2. U slučaju prestanka rada Fonda solidarnosti, prestaje i članstvo i svim njegovim članovima.*

III SREDSTVA FONDA SOLIDARNOSTI

Član 10.

- 1. Sredstva Fonda obrazuje se iz obaveznih članskih doprinosa članova Fonda u novcu, koje svaki član Fonda plaća u mjesečnom iznosu pod uvjetima, na način i u iznosu utvrđen ovim Pravilnikom.*
- 2. Novčana sredstva Fonda čine i posebne neobavezne uplate članova Fonda. Uplatom posebnih doprinosa u smislu predhodnog stava, ne stiču se nikakva posebna prava u odnosu na druge članove Fonda solidarnosti, koji taj iznos nisu uplatili. Uplaćeni iznos na ime doprinosa iz stava 1. i 2. ovog člana prestaju biti svojina članova Fonda solidarnosti momentom njihove uplate, i ti se iznosi ne mogu potraživati ni nakon prestanka članstva u Fondu, bez obzira po kojem osnovu je njihovo članstvo u Fondu prestalo.*

Član 11.

Sredstva Fonda vode se na posebnom računu RAKS na posebnoj, za te potrebe otvorenoj partiji (br. 3389002208470984) kod njene poslovne banke.

Član 12.

- 1. Visina članskog doprinosa za advokate – članove Fonda solidarnosti iznosi 20% od mjesečne članarine koju plaćaju advokati, a za advokatske pripravnike, advokatske stručne saradnike i zaposlene radnike RAKS protu vrijednost navedenog procenta plativo u KM.*
- 2. O smanjenju ili povećanju doprinosa iz stava 1. ovog člana odlučuje Skupština RAKS.*

Član 13.

Član Fonda solidarnosti je dužan redovno i uredno plaćati članski doprinos.

Član 14.

Uplatu članskog doprinosa, član ima pravo vršiti putem banke, pošte kao i neposredno na blagajni RAKS, uz obavezu da mu se za izvršenu uplatu izda potvrda, ali u svakom slučaju najkasnije do 5-og u mjesecu za protekli mjesec.

Član 15.

Član Fonda koji ne izvrši uplatu obaveznog članskog doprinosa na način, u iznosu i rokovima određenim ovim Pravilnikom, čini težu povredu radne dužnosti i podliježe disciplinskoj odgovornosti.

**IV STATUS FONDA SOLIDARNOSTI, UPRAVLJANJE
FONDOM I DONOŠENJE ODLUKA**

Član 16.

Fond nema svojstvo pravnog lica i djeluje unutar RAKS kao poseban organizacioni oblik, sa posebnim novčanim sredstvima, samostalnošću i nezavisnošću u radu, sve u skladu sa odredbama ovog Pravilnika.

Član 17.

Fondom upravlja i odluke iz djelokruga njegove nadležnosti donosi Komisija za Fond solidarnosti (u daljem tekstu Komisija fonda) koju osniva Upravni odbor RAKS, određuje njenog predstavnika i četiri člana.

Član 18.

Komisija Fonda se osniva za period od dvije godine, uz mogućnost da joj Upravni odbor RAKS produži mandat

Član 19.

Komisija Fonda donosi odluke o svakom pojedinačnom zahtjevu člana Fonda solidarnosti da mu se dodijeli pomoć iz sredstava Fonda. Komisija je dužna o zahtjevu odlučiti najkasnije u roku od 15 dana, računajući od prijema zahtjeva upotpunjenog

odgovarajućom medicinskom dokumentacijom, a na način i pod uvjetima predviđenim i uređenim ovim Pravilnikom.

Član 20.

Sredstva Fonda solidarnosti mogu biti isplaćena članu Fonda tek nakon što takvu odluku Komisije Fonda potvrdi Upravni odbor RAKS.

Član 21.

Protiv odluke Komisije Fonda, član Fonda može izjaviti prigovor Upravnom odboru RAKS u roku od 8. dana od prijema odluke.

Član 22.

Upravni odbor RAKS je dužan u roku od 15. dana odlučiti o prigovoru člana Fonda protiv odluke Komisije fonda i ta je odluka konačna.

Član 23.

Komisija Fonda je dužna redovno, a najmanje jedanput u šest mjeseci podnijeti pismeni izvještaj o svom radu Upravnom odboru RAKS, a naročito o broju podnesenih zahtjeva i visini utrošenih sredstava Fonda.

V KRITERIJI ZA DODJELU POMOĆI IZ FONDA SOLIDARNOSTI

Član 24.

Pravo na raspoloživa sredstva iz Fonda solidarnosti imaju pravo članovi Fonda u sljedećim slučajevima;

- a) u slučaju bolesti duže od 2-3 mjeseca do 2.000,00 KM,*
- b) u slučaju bolesti duže od 3-6 mjeseci do 3.500,00 KM,*
- c) u slučaju bolesti duže od 6 mjeseci do 5.000,00 KM,*
- d) u slučaju smrti advokata starijeg od 70 god. KM.... do 3.000,00 KM*

Član 25.

Članovi Fonda su uz zahtjev za dodjelu pomoći, i dužni dostaviti Komisiji Fonda;
- zahtjev sa detaljnim opisom vrste bolesti
- medicinsku dokumentaciju, sa dokazima o dužini bolovanja

Član 25a

Na osnovu dokumentacije iz člana 25. Komisija Fonda će donijeti odluku o visini pomoći, ali na osnovu iste medicinske dijagnoze, može se samo dodijeliti pomoć jedanput. Ukoliko je došlo do pogoršanja u odnosu na već raniju medicinsku dijagnozu, pomoć se može dodijeliti ponovo.

Član 25b

U vandrednim situacijama ukoliko je činjenično stanje nesporno da je član Fonda doživio iznenadnu tešku bolest (srčani ili moždani udar, karcinom) može mu se dodijeliti pomoć u visini do 3.000,00 KM, uz obavezu da u roku od 15 dana dostavi zahtjev i svu medicinsku dokumentaciju kako je to predviđeno članom 2. izmjene i dopune ovog pravilnika.

Član 25c

Ukoliko član Fonda redovno ne uplaćuje doprinos za Fond i članarinu može podnijeti zahtjev za pomoć ali ne može ostvariti pravo na pomoć.

Član 25d

Ako se utvrdi da je vrijeme liječenja član Fonda obavljao advokatsku djelatnost, dužan je vratiti isplaćeni iznos novca.

Član 26.

Članovima kojim je odobrena pomoć iz Fonda solidarnosti dužni su, izmiriti dugovani iznos članskih doprinosa prije realizacije pomoći, ili će im se u takvom slučaju umanjiti dodjeljeni novčani iznos na ime pomoći za dugovani iznos.

VI RASPODJELA I KORIŠĆENJE SREDSTAVA FONDA

Član 27.

Iz sredstava Fonda solidarnosti ne mogu se vršiti nikakve druge isplate izuzev isplata koje se vrše u slučajevima i pod uvjetima propisanim ovim Pravilnikom.

Član 28.

Sva prikupljena sredstva Fonda solidarnosti isključivo služe za isplatu pomoći članovima Fonda u skladu sa odredbama ovog Pravilnika i u druge svrhe se ne mogu koristiti. Sve troškove, vezane za rad Fond i Komisije fonda snosi RAKS, koja je dužna staviti na raspolaganje prostorije za rad Komisije fonda, pružiti joj administrativnu, računovodstvenu i svaku drugu pomoć.

VII PRIMJENA ODREDBA PRAVILNIKA NA PENZIONISANE ČLANOVE

Član 29.

Pravo na korištenje sredstava iz Fonda solidarnosti odnosi se i na članove Fonda koji nakon njegovog osnivanja odu u penziju, pod uvjetom da ispunjavaju uvjete predviđene ovim Pravilnikom.

VIII PRELAZNE I ZAVRŠNE ODREDBE

Član 30.

Objašnjenja, tumačenja i uputstva za primjenu ovog Pravilnika daje Upravni odbor RAKS, uz predhodnu konsultaciju sa Komisijom fonda.

Član 31.

Administrativnu, stručnu – tehničku pomoć, knjigovodstveno – računovodstvene i druge poslove obavljat će Sekretar RAKS.

Član 32.

Ovaj Pravilnik stupa na snagu i primjenjuje se počev od 01.01.2005 godine, s tim što je Upravni odbor dužan isti podnijeti na potvrdu Skupštini RAKS.

*Predsjednik
Upravnog odbora RAK-e
SARAJEVO
Senad Kreho, advokat*

Sarajevo, 18.06.2011 godine.